

中國地方志集成

鄉鎮志專輯 ①⑥

甘棠小志

崔堡小志

西溪鎮志

靜海鄉志

通海墾牧鄉志

白蒲鎮志

淮安河下志

呂四場志

兩淮通州金沙場志

江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛

中國地方志集成

鄉鎮志專輯 ①⑥

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價：

二〇二元

1992年8月第1版 1992年8月第1次印刷

ISBN 7-80519-395-9 / K·220

甘棠小志

卷首序

陽華龍山塗涇派浚
無式黃黃奴溢渭郃
勞帟鵠陵導滄汭澍
回曠峰飼沱凍漆漳
中巖火官甘潼電漢
峻駝翼於洵滿世衛
峽項際水綿灞濡汶
并嗟臨有蔓漣易洸
頭呀嶂桑洞澧洙沂
鴉朗巴乾渴潯滋洳
嶂陵邛巨汭瀨淮濬
桃石君馬彘彘瀉灑

七極抵勝潼口門錫觀
 種嶽金黃函瓦井瀟瀟
 及麓城峴蕭亭陘澧練
 江湘大插隴絡蒙瀏漂
 程沅河嶺散壑阮澤油
 一嘗南諸荃車鐵於澍
 覽著沂關曉漸嶺嶽澤
 轉有長東冷冥桃隘澗
 澧隨江臨泉阨林扼沌
 衡軺浮渤穆目明塞潯
 湘載洞海陵及岨有汨
 華華達西武固亭土瀕

甘棠小志

卷首序

—

記各若千卷凡所經歷
紀比叩目故鄉一經
無目應竊自笑目窮千里而
能自見其睫固應有此外念自
束髮受書目來足不樂出里閭
一步五赴省試舟過盒焦者凡
十一萬絕不一登陟其陋可想此
不龍自見其睫所由來夫目知
闕門索屈之未龍無失也昔阮

太傅序鄉先輩焦里堂孝廉北
湖一小志曰使各郡縣數十里中
皆有一人戰軍百志其則郡
縣之志可勞而成功嘗有感
其言特通藉後十數年僕二
漸途簿書鞅掌且苦與吾鄉父
老聞絕無從進質注二輟革而
嘆昨目樊丑寒暑二里忽二
不知已再閱寒暑二里忽二

甘棠小志
卷首序


有來言及此者曰月寢馳行將
禪矣失令弗紀懼久而益湮姑
就所知者述之序其緣起如也
將草之刪先為序其緣起如也
咸豐一卯秋七月



邵伯鎮通江圖
吳淞安江圖
漢江入海圖
晉寧和江圖
晉寧和江圖
唐開元伊圖
唐開元伊圖
宋開元伊圖
明開元伊圖
甘肅開元伊圖
陝西開元伊圖
陝西開元伊圖
陝西開元伊圖


甘棠小志

卷首圖




甘棠小志

先旨




吳淞江准圖




甘棠小志

卷首



圖道改安連漸




甘棠小志


卷首圖

四


圖道改皇開隋




圖渠京東明津沿寧興晉




圖河渠里七開元寶唐



圖河渠伊開元開唐




卷首圖

[illegible][illegible]

八


甘棠小志

卷首





九

圖渠河豁湖西隄



圖渠河湖東隄





甘棠小志

卷首圖

十

邵伯鎮圖本趙輯五增瑞吳溝通江淮以下十圖本劉夢瞻文
 淇甘江汎修防圖本江運廳冊隄西湖潯河渠圖本焦里堂循
 隄東湖潯河渠圖本邵伯汎暑冊並商之劉瞻衡同字李漢南
 鄭右圖凡十有四邨見所及時有損益中間地多足蹟未經祇
 憑採訪落筆之下不無疏舛開門而所造非車正難云出而合
 轍也大雅正之董醇謹識



甘棠小志總目

卷首

序

圖

卷一

記建恒第一

記運道第二

卷二

記湖潯第三

甘棠小志

總目

記河渠第四

記修防第五

卷三

記坊鋪第六

記里巷第七

記邨鎮第八

卷四

記祠廟第九

卷末



跋

甘棠小志

總目

二

甘棠小志卷一目錄

記建壇第一

記運道第二

甘棠小志

卷一

目錄

一

甘棠小志卷一

甘泉董醇醞卿甫著

記建置第一

揚州府統於江蘇巡撫部院江甯布政使司淮揚兵備道轄州二縣六縣之附郭者二其一甘泉甘泉縣轄巡檢司二其一邵伯江南省巡撫二曰安徽巡撫駐安慶府曰江蘇巡撫駐蘇州府江蘇巡撫轄布政使二道八曰江甯布政使駐江甯府曰蘇州布政使駐蘇州府曰江安糧道駐江甯府曰蘇松糧道駐常熟縣曰驛鹽道駐江甯府曰蘇松太道駐上海縣曰常鎮道駐鎮江府曰淮揚道駐清江浦曰淮徐道駐徐州府曰淮海道駐安

甘棠小志

卷一 建置

一

東縣江甯布政使轄府四曰江甯曰揚州曰淮安曰徐州並轄直隸州二曰海曰通直隸廳一曰海門揚州府轄州二曰高郵曰泰縣六曰江都曰甘泉曰儀徵曰寶應曰興化曰東臺江都甘泉皆附郭甘泉縣轄巡檢司二曰上官曰邵伯邵伯鎮古邵伯埭晉謝太傅安築後人思安德邵伯甘棠所由名也

太平寰宇記言晉書太元十一年太傅謝安鎮廣陵於城東北二十里築壘名曰新城城北二十里築堰名邵伯埭蓋安新築後人追思安德比於邵伯因以立名劉夢瞻文淇揚州水道記

言此邵伯立埭之始是也夢瞻又言通鑑安出鎮廣陵之步邱

築壘曰新城是新城卽步邱也謝靈運之祖元爲太傅兄子其

撰西征賦云造步邱而長想欽太傅之遺武思嘉遜之餘風紹

素履之落緒民志應而願稅國屯難而思撫安於新城北設埭

堰水兼收其入此賦正敘築壘設埭之事張文端運河圖說言

邵伯步邱也謝安鎮廣陵見步邱地勢西高東下每春夏湖水

漲輒東浸民田而西又苦旱安爲築埭以界之高下兩利名邵

伯埭焦里堂循六湖記言邵伯鎮晉之新城古之步邱也邵伯

湖側古邵伯埭所在也按三書說步邱小異然據晉書及通鑑

甘棠小志

卷一 建置

二

步邱卽是新城邵伯埭自在步邱北周止安濟書略言符堅爲姚萇慕容沖所逼遣使來降且求援安請自出乃築新城於廣陵之步邱而居是也焦氏北湖小志又言今之召伯鎮非古之邵伯埭王乙宋熙甯中爲廣直請召埭東濬河百二十里至瓜洲則當時埭在運河之西橫互水中故有剝卻之煩且今召伯鎮至瓜洲止九十里乙云一百二十里則召埭必非召鎮鎮當新城新城之東而邵伯湖在鎮北二十里湖名召伯必召埭之所在竊疑湯家泮橫互東西實界南北古之召埭或設於此夢瞻非之言李習之來南錄云自洛州下黃河汴梁過淮至淮陰一千八

百有三十里順流。由洛入淮皆北高。南下故言順流。自淮陰至邵伯三百有五

十里逆流。由淮陰至邵伯皆南。高北下故言逆流。自邵伯至江九十里渠有高下

水皆不流。邵伯至瓜洲水南高北下。言不流者有埭以堰水也。焦氏以王乙言召伯至瓜

洲百二十里遂謂召埭必非今之召鎮習之唐人其來南錄中

皆身所親歷而言自邵伯至江九十里與今邵伯至瓜洲之里

數適合不得謂今之邵鎮非古之邵埭矣明沈珠奉還晉太傅

謝公像記言公淮淝捷後權奸扇搆出鎮廣陵築壘曰新城相

視步邱地勢西高湖水洩嘗苦旱東漸下湖漲沒農田為築埭

以界之民享其利立廟祀之稱曰甘棠蓋比之召公鎮與湖皆

甘棠小志 卷一 建置 三

以名。國朝史夷河防議言謝太傅築邵伯隄以西無旱憂

隄以東無滂患民皆便之其遺愛比之召伯甘棠張文端亦言

安築埭高下兩利民以比邵伯甘棠今邵伯鎮一稱甘棠鎮倚

埭一稱棠埭鎮瀕湖一稱棠湖

邵伯司及邵伯驛舊隸江都自分設甘泉乃改隸焉

江都縣原轄邵伯上官瓜洲萬壽四司廣陵邵伯二驛自雍正

十年析江都縣地置甘泉縣分舊城府東屬甘泉府西屬江都

新城自小東門外至缺口門南歸江都北歸甘泉

畫舫錄云舊城西南半壁為甘泉治其邵伯及上官二司並邵伯驛歸

甘泉瓜洲萬壽二司並廣陵驛歸江都先是雍正九年五月兩

江總督尹繼善疏言揚州府江都縣路當衝要事務殷繁附居

府城幅員遼闊應增設一令與江都分疆而治 上允其

請至是遂析江都縣之西北境為甘泉縣以縣有甘泉山故名

雍正府志言邵伯驛為腰站一等極衝嘉慶府志言邵伯驛原

設馬四十四匹馬夫四十名按此據未分設甘泉時驛屬江都而言雍正十年裁減

馬夫十六名江都縣撥增馬二十四匹馬夫十二名按當是自廣陵驛撥來

今設馬六十匹馬夫三十六名草料銀一千七百二十八兩工

食銀五百十八兩四錢支應銀四百五十兩馬價銀九百兩按

甘棠小志 卷一 建置 四

轡等銀一百八兩歲共支銀三千七百四兩四錢雍正十二年

核減草料等銀歲共五百十六兩六錢按驛嘗設丞乾隆二十

一年裁

司所轄地北東兩面及東南隅均以縣界為司界

北至靈筋鎮北之東至永安鎮均接高郵界東至丁溝鎮接江

都界其稍北為逍遙港港北接泰州界東之北至何家蕩鄭家

圩其水為東銀溝東接泰州界南之東至俞家莊接江都界以

上北東兩面及東南隅甘泉縣境盡於此邵伯巡檢司境亦盡

於此

南接四境。

典史俗稱四衙。故其所轄地稱四境。邵伯鎮南沿東運隄一帶為仙女鄉。邵伯司所轄南界訖於瓦窯鋪鎮。稱邵仙女。瓦窯鋪鎮南則屬典史。稱四境仙女。劉瞻衡同字言揚州近城十里內外地歸典史。在江都境者屬江典史。在甘泉境者屬甘典史。與巡司同統於縣。四境仙女東界周墅鄉。北界水西鄉。按當是東北界水西西界仙女鄉。按當是西界運隄西北界邵仙女南界江都。東南界江都。攔江埧地。西南界江都灣頭地。屬甘泉典史。此甘泉四境之在運河以東者也。運河以西則觀音山一帶是接甘泉縣境。自壁虎橋

甘棠小志

卷一 建置

五

以南至缺口。壁虎橋至灣頭一里。灣頭至缺口十里。以運河中分為界。西屬甘泉。東屬江都。壁虎橋以北全屬甘泉。缺口以南全屬江都。邵伯司境南抵瓦窯鋪鎮。南接四境。邵伯汛境南抵壁虎橋。心南接鈔關汛。此邵伯司與甘泉縣邵伯汛南境之不同也。

西境至赤岸湖。過此為公道橋。則上官司界也。

北湖小志言黃珏橋至公道橋八里。渡一里。公道橋之東北為赤岸湖地。又言黃子湖高阜處為赤岸湖。按赤岸湖蓋以湖名為地名者。阮慎齋先北湖續志言公道橋等處歸上官司轄。赤岸湖等處歸邵伯司轄。又言公道橋即湖口橋。長二十餘丈。在

揚州城西北五十里。與黃珏橋相距十里。并為湖中高阜。廛市

居民亦正相等。阮文達言今甘泉縣冊地名曰公道橋。而舊時之寫者呼者則或曰僧道橋。僧度橋。孫大橋。以余論之。以僧度橋為近是。此地乾隆乙巳大旱水涸。湖底多古石。當是宋時物。宋時橋梁等工。每用度僧牒銀為之。蘇州度僧橋即其遺制。此橋不及蘇州之高。但其用度僧牒銀造之。諒亦相同。特無碑記可考耳。按僧道橋。黃珏橋皆有鎮。今言者但稱橋。是以橋名為鎮名者。

鎮北門舊有真武樓。

甘棠小志

卷一 建置

六

樓奉真武像。北門外路東有泰山官。里人皆稱其地為奶奶廟。罕稱真武樓者。詳廟廟篇鎮南更樓水決為塘。引漕隄西曲。為鐵犀鎮之。

張文端河防志言邵伯更樓康熙三十八年六月衝決。長五十丈。五尺。水深四丈。難堵塞。三十九年。鵬翮恭奉聖謨。

下埽堵塞。剋日成功。四十年。置鐵犀一座。鎮之。按河水衝決深四丈。即今南塘。引漕隄向西曲。江都陸志言自倉巷口西向避折而南至南大王廟築堤。

深塘也。咸豐二年。醇奉命漕楚南。聚過此。為鐵犀銘并序錄之。張文端奏議言康熙四十年置鐵犀於運口大墩上。刻銘

詞於犀。曰維金剋木蛟龍藏。維土制水龜蛇降。鑄犀作鎮奠淮揚。永除昏墊報吾皇。按邵伯埭鐵犀亦置於康熙四

十年。今尙完整。獨無銘詞。擬此補之。淮水北來何決決。長隄如虹。整金湯。冶鐵作犀。鎮甘棠。以坤制坎。柔克剛。容民畜眾。保無疆。億萬千年頌平康。

今鎮南門瀕塘建青雲樓。

樓祀文昌。一名文昌樓。道光二十年建。齊履謙之福有記。言邵伯鎮之南街舊與橋南之小街相接。康熙間被水冲塌。遂名斷街頭。持風鑑者謂街頭宜建崇樓爲一鎮之關鍵。文風財運胥

甘棠小志 卷一 建置

七

於是焉賴。鎮人聞之。踴躍從事。相度地勢。鳩工庀材。閱兩月而樓成。顏其上曰青雲街。及今甫十稔。人文蔚起。翰苑蜚聲。而財運亦蒸蒸日上。此固持鑑不爽。亦以見急公者轉移名利之功爲甚偉也。道光庚子年建。庚戌年立石。石首題新建青雲樓記。記爲邱育卿廣生書。

塘中築隄。界塘爲二。

隄之南。左有寶公橋。又左有寶公寺。因名隄爲寶公隄。橋之始故明永樂間僧寶公所募造也。江都陸志言寶公隄在寶公寺右。康熙三十八年邵伯更積水決。陸地成淵。水深十數丈。闕近

一里。行人僦舟以渡。時有覆溺之患。寺僧了愚募造小舟數十隻。載泥填積水底。夾以木椿。實以草埽。隄將出水而了愚寂化。徒行乘繼其志。歷數年隄成。重建寶公橋於隄上。往來稱便。甘

泉吳志言寶公隄建運河東隄腹內。所以攔湖水。便行人。康熙三十八年官隄決。此隄亦決。後爲寶公寺僧募築。故名。按吳志所云。是更樓未決以前已有此隄矣。實則樓決爲塘。官隄西曲。然後需此隄也。當以陸志爲允。今隄之右名裏塘。隄之左名外塘。兩塘水會寶公橋下。統名南塘。水東通艾陵湖。初聞里中父

老言。地本民廬。水決時。閩華劉謝四大姓沒其中。隄建後。遇有甘棠小志 卷一 建置

八

盛漲。時或傾側。陳觀國甘泉續志言嘉慶十一年里紳吳堯夫徐元忠丁立人齊述初趙溶川等公議修築。寬三丈。高一丈。長一百五丈。踰舊制三倍有奇。捐銀三千四百餘兩。檢討薛鳳翥有重修南隄記。

隄之南左曲爲小街。築土壘。

小街當鎮南陸路之衝。咸豐四年築土壘。爲濠。西通裏塘。東通

外塘。木柵爲門。以時啟閉。

鐵牛灣設揚關分收稅局。

揚州關務巡撫委常鎮道督理。關在府城東南隅。挹江門外。今

所稱鈔關門也。邵伯東運隄鐵牛灣武廟。迤南設分收稅局。收落地稅。

鎮當南北水陸孔道。行旅往來。代有記述云。

江都陸志言。邵伯南北水陸孔道。百貨屯聚。烟火萬家。尹太守會一同善堂記言。邵伯鎮爲南北舟車孔道。烟火萬家。行旅如織。方輿紀要言。洪武元年。巡檢張仁開設邵伯鎮。今爲邵伯鎮置巡司於此。爲水陸孔道。宋史劉錡傳言。紹興三十一年。金主亮南下。錡爲江淮浙西制置使。以兵駐清河口。金人以積穀船載糧而來。錡使善沒者擊沈其舟。自楚退屯邵伯鎮。宏簡錄言。

甘棠小志

卷一 建置

九

建炎四年。王德卿璣以輕兵渡江。敗金游騎於邵伯鎮。宋史尤表傳言。表爲泰興令。聞民疾苦。皆曰。邵伯鎮置頓。爲金使經行也。使率不受而空屬民。漕司輸糴。致一束數十金。二弊久莫之去。乃力請臺閭奏免之。按觀此鎮之衝繁。可知唐李翱有來南錄內云。自淮陰至邵伯三百有五十里。邵伯至江九十里。又顏真卿與蔡明遠帖云。竟連命於秦淮之上。又隨我於邗溝之東。追擊不疲。以至邵伯南埭。梁肅通愛敬水門記云。過茶黃灣北至邵伯埭。湯溝渙渙。無阻滯之患。御覽引述征記云。泰梁埭到召伯埭二十里。召伯埭到三救埭十五里。三救埭到鏡梁

埭十五里。宋樓鑰北行日錄云。召伯埭去揚州四十五里。三十里。過露筋。三十里。到高郵。劉一清所請使行程記云。德祐丙子

帝昀元年。三月初三日。宿灣頭。初四日。過邵伯。蔡徑行。明歸有光王

戊嘉靖四十四年。記行云。淮陰六十里。至黃浦口。出馬湖。三四里。入內

隄。行至寶應。出湖四十里。內隄行至露筋廟。出邵伯十八里。江

德藻聘北道記云。自邵伯埭三十六里。至鹿筋梁。皆往來者所

記述也。詠賦尤夥。就所記憶者錄之。宋徐鉉邵伯埭下寄高郵

陳郎中詩。故人相別動經年。候館相逢倍慘然。顧我飲冰難輕

棹。感君扶病爲開筵。河灣水淺翹秋鷺。柳岸風微噪暮蟬。欲識

甘棠小志

卷一 建置

十

酒醒魂斷處。謝公祠畔客亭前。梅堯臣宿邵伯埭聞雨因買藕
笑人回呈永叔詩。秋雨雁來急。夜舟人未眠。亂風燈不定。噴色
樹相連。寒屋猛添響。溼窗愁打穿。明朝持藕使。書此寄公前。呂
本中發邵伯埭詩。柳外鶉鴉相應鳴。屋頭新月半輪生。知君未
便爲官去。且放扁舟自在行。曉日烘窗不得眠。夾河高柳亂鳴
蟬。西風種種入愁思。更有長亭十里船。蘇轍邵伯埭別少游詩
津梁春雨濕。刊溝。蓬底安眠書擁裘。知有故人家在此。連將詩
卷洗閒愁。蔡觀次韻子由邵伯埭見別詩。孤蓬短榜沂河流。無
賴寒侵紫綺裘。邵伯埭南春欲盡。爲公重賦伴牢愁。又還自廣

陵詩四首之一。南北悠悠三十年。謝公遺堞故依然。欲論舊事無人共。卧聽鐘魚古寺邊。文天祥詩。今朝車馬地。昔日戰爭場。我有揚州鶴。誰存召伯棠。一灣流水小。數畝故城荒。回首江南路。青山斷夕陽。釋道潛詩。一道河流遠接天。兩行官柳復蕭然。村春歷歷鳴何處。彷彿孤烟落日邊。回首山光古寺基。拂天寒木耿斜暉。孤撐漸與鐘聲遠。但見風幡竹外飛。國朝王士徵邵伯舟中詩。一望遙天闊。茫茫泛夕槎。樹分雙湖水。月上楚人家。野戍寒蟲亂。迴隄古廟斜。蕪城前路近。官柳欲棲鴉。宗元鼎詩。一村烟接眾村平。湖岸荒荒水石聲。鳧陣慣衝雲腳過。漁舸

甘棠小志

卷一 建置

土

能敵浪頭行。當年逸事東山興。今日勞人故國情。遠近荻蘆連暮雨。不知何處是蕪城。王鴻藻詩。匹馬嘶風賦北征。今宵初別廣陵城。平山望裏應無色。邗水聽來尚有聲。宇宙大觀尊岱嶽。草茅奇氣赴神京。天涯知己渾難覓。一片黃沙獨遠行。鮑泉詩。依然風土古揚州。連臂還歌清夜遊。神路白開虹一道。人家明散月千樓。大河霜色將成凍。衰柳湖光尚帶秋。苦恨蘆頭新酒薄。衝寒空典客中裘。殷鑒慶邵伯夜歸詩。暝色亂晴空。炊烟處處同。水搖雙槳月。岸轉一旗風。沙鳥數叢白。漁燈幾點紅。香醪沽正美。歸棹莫匆匆。

記運道第二

運河上自高郵三十里鋪入露筋。為甘泉邵伯鎮司境。下過本鎮南抵灣頭關北壁虎橋。東岸入江。都境又南抵缺口。西岸亦入江。都境。

嘉慶府志言。揚州運河上自山陽縣黃浦與寶應縣交界起。下過郡城少折而西。至三岔河南行至儀徵縣入江止。為糧運正道。又自三岔河西南行至儀徵縣入江止。為鹽船入江之路。按此通寶應高郵甘泉江都儀徵五屬境內。運河言之。瓜洲入江之路。唐伊婁河故道也。儀徵入江之路。晉歐陽埭故道也。運河之

甘棠小志

卷一 運道

土

在甘泉境者。北至露筋。東岸南至壁虎橋。西岸南至缺口。邵伯司所轄地。北至露筋。南至瓦窯鋪。鎮南又行水金鑑言。淮水自高郵州至露筋祠入甘泉界。十五里至腰鋪。十里至三溝。十里至邵伯驛。十里至東西灣。十五里至高廟。五里至灣頭。十五里至廣陵驛。交江都縣界。計八十里。按灣頭迤北有壁虎橋。橋之北運河俱屬甘泉。自壁虎橋至缺口。運河東屬江都。西屬甘泉。河水中分為界。蓋壁虎橋之北甘泉。統運道之全。壁虎橋之南甘泉。分運道之半。

揚州運道。創自邗溝。